

重修兩淮鹽法志

兩淮鹽法志卷四十五

轉運門

行鹽規例

舊綱淮南行鹽自納紙硃訖臨江大掣其事委曲繁重
惟慮防弊之未周行之既久弊且叢生淮北亦如之自
道光十一年總督陶澍整飭鹺綱歸之簡易其後陸建
瀛師其意改淮南綱運爲票運益汰虛文除煩苛積綱
廓然未幾寇興鹺政破壞同治初曾國藩踵行票鹽之
法斟酌損益歸於至善所謂易則易知簡則易從其規
模可得而詳也志行鹽規例

舊綱規例

一納紙硃 凡淮南北綱食商人行鹽必先照運司收

支房經管根窩底冊每引預納紙硃銀三釐

報解戶部
為刷印引

目紙張硃
紅之費

該商具手本一樣二扣交經管經承查對底

冊花名引數相符將手本撲戳本商取回赴廣盈庫書

上號當堂交銀其手本一標收字一標照字該承登簿

結算呈運司對明將收字手本存廣盈庫房備案照字

手本用印給商赴收支房經承照手本上花名引數填

寫硃單鈐蓋司印給商收執俟開徵時查硃單引數完

納請單錢糧

一滾總 每一綱之首鹽院牌行運司催商滾總各商將自己根窩及撥行他商年窩花名引數願附某總商名下聽其自向總商取具保結開報運司發收支房核算符合一綱額引攢造滾總清冊二本呈院嗣後凡請單呈綱到院卽於冊上用紅戳註銷

一開徵 每一綱之首鹽院牌行運司取新綱開徵日期運司擇日詳報鹽院批准出示曉諭商人預日具納銀手本一搯二扣開明花名引數銀數交廣盈庫書上號至期鹽院按臨司署開徵商人照手本先納請單錢

糧 每引正項納銀四錢經費一分解費一分六釐腳費一分共四錢三分六釐內高寶泰食鹽止共納四錢

三分甯和合江甘食鹽又納變價三分共四錢六分六釐
雜項綱鹽每引納銀二錢淮南食鹽一錢惟江甘高質泰食鹽及永順並准北食鹽雜項概不派納 運司將手本一標收字一標

照字照字給商收字存房登明印簿填寫銀票用印給商持請照單嗣後每逢三六九日運司自行徵收每月將收過銀數造冊送督鹽二院查核

一請單 商人將完過請單銀票硃單並照字手本赴

架閣庫書請給照單 名照單者單內填載引目總數以憑到場查照冊鹽杜重複影射之弊

又名限單因上有限定發場出場過壩過橋日期又名皮票蓋襪託堅厚爲包引之皮也 該承將

照單填寫年月商名引數銀數開造草冊二本同銀票詳送鹽院於照單引數上同草冊引數鈐印將銀票截

去入字一角仍同照單並草冊一本發司交收支房典

吏上號給商赴架閣庫驗引

向例商人卽於此時領引方能往場配鹽故引日

有給引支鹽不許鹽引相離之語後因往返途恐有損失卽以皮票代引發場捆配故止驗引而不放引

該承又於單內填註赴某場買鹽及某年月日印給火

印下場定限某年月日到橋各字樣

例限四十五日運司用印

鈐蓋將單封給本商投該分司挂號轉發場員給場商

捆鹽一面將封發照單半月一次開造商名引數並發

某場商捆重冊送院轉發分司查對以杜商人遲投誤

運之弊

一捆重 每一綱之始運司預擇開重日期具詳鹽院

批准至期分司接到運司封發照單照例挂號鈐印轉發場員該場員於單內填寫某年月日到場轉給場商按引捆鹽雇船裝載場員逐引查驗將照單挂號填寫某年月日出場用印鈐蓋並將照單截去平字一角隨鹽船到壩

一過壩 每一網之始運司預擇開壩日期具詳鹽院批准鹽船自場運至秦壩商人將皮票送秦壩衙門該壩官抽稱過壩於照單內填寫過壩年月日期用印鈐蓋並將稱過斤重登填馬簿移送儀所監掣官查核引鹽卽換裝上河屯船載至灣頭塔報

一塔報結報 鹽船至灣頭商人將照單持赴白塔河
巡檢衙門呈驗船戶將所裝商名引數艙口鹽數呈報
巡司謂之塔報巡司將照單用印給商一面查對商名
船戶艙口引數無訛卽每船具結報一本呈送運司轉
發經歷司赴北橋查放鹽船

一放引 鹽船結報之後巡檢衙門將照單內商名引
數另開清單鈐印給商該商同照單交架閣庫書投送
庫大使衙門稟請運司發引庫匙鑰按照單內引數查
給謂之放引仍於照單後撲查驗給引訖木戳該商將
引送收支房逐張疊齊上下用紙撚穿釘於紙撚上粘

貼印臚運司於臚上用印名曰臚印封發走引人投存

儀所監掣衙門候鹽到所稱掣

引目舊係本商自投監掣衙門後恐該商稽延

生弊徑自運司衙門封發

一過橋 每一綱之始運司預擇開橋日期具詳鹽院

批准至期鹽院親臨北橋恭祀河神白塔河巡檢呈送

結報逐船抽引掣驗各給橋旗一杆

為查驗准放過橋之據

限票

一張

前皮票限到橋日期此限票限過關到所日期

開行過橋

以後橋旗限票俱發運司轉委

經歷司赴橋驗放仍開造結報總冊呈送監掣衙門查銷到所船數

經過揚關

每船納船料銀三兩

關上將限票撲截填明過關日期鹽船由三汊河直至

儀徵停泊天池木關外儀所大使將橋旗限票收齊繳

呈監掣衙門監掣官將限票存房對銷結報總冊片開
商名引數清摺同橋旗彙繳鹽院

一呈綱造馬

鹽船過橋後商人應納呈綱錢糧

內准南綱

鹽每引納銀五錢九分二釐一毫零永順綱鹽二錢八分八釐零准北綱鹽四錢四釐一毫零准北加丁二錢七分八釐四毫零甯和含食鹽三錢九分四毫零江甘食鹽二錢八分二釐零上江二縣食鹽四錢九分四釐九毫零句容六縣食鹽四錢四分三釐四毫零淮北山清八縣食鹽二錢八分二釐九毫零高寶泰食鹽二錢八分零雜項綱鹽每引納銀二錢五分食鹽一錢五分照例具手本上號納銀出

給銀票將單內填寫某年月日完納呈綱訖字樣商人
將照單同請單呈綱銀票並投知事衙門磨對花名銀
引數目相符將照單截去上字一角造具呈綱冊二本

銀票冊二本同照單銀票呈送運司名曰呈綱運司將單票各冊發收支房查照商名引數造具每船底馬冊二本一本飭發監掣官掣鹽一本同照單銀票並呈綱銀票冊各二本呈送鹽院發房將銀票截去右首上下二角中銃一洞同呈綱銀票冊各一本用印發司仍將各一本及皮票存院並留底馬草冊與滾總冊查對稽銷

一所掣 每一綱之始運司擇定開所日期具詳鹽院批准是日鹽院親赴儀所致祭鹽門掣摯引鹽

嗣後責成監掣

屬稱掣

預日儀所大使將繳到橋旗限票送監掣廳查對

司發底馬編號依次將鹽船提入木關擡鹽進所東角門每二十引爲一馬每一馬中抽籤提稱一引除定額三百四十四斤又

恩加不入成本二十斤共合計三百六十四斤外如遇一引中

稱出多斤少斤餘十九引俱同此數殊填底馬簿內通

算扣割向例每多一斤罰銀一分名爲割沒謂當割而沒之於官也自康熙十七年起加課加斤割沒

之名與溢斤之名同革凡商人於鹽未抵掣之先另請

生引酌量若干引數並皮票一張照數完納課銀預投

監掣衙門至稱掣之後通算共多鹽若干斤卽將預投

之生引扣割若干引商人一併領出同多斤之鹽運行

若掣出少斤或本商前有餘放鹽擡出西角門綱鹽各鹽或買他人餘鹽仍許補數

擡入綱鹽垣內食鹽各擡入食鹽垣內綱食不許混淆

一解捆 每一綱之始運司預擇開捆日期具詳鹽院
批准至日委所大使同巡捕官祀垣神畢綱食各鹽戶
行解捆小子計湖廣綱鹽小子每包重八斤四兩江西
綱鹽小子每包重七斤四兩安池太永四府綱鹽小子
每包重八斤甯和含上江等處食鹽中砵每包重五十
斤輕重斤兩各異以便分別省府口岸不致混淆侵越

一納加斤 商鹽解捆完竣應納加斤錢糧

內淮南綱鹽每引納

銀一錢四分四釐五毫零永順綱鹽並淮南各食鹽俱納一錢二分四釐九毫零雜項於五十一年鹽政全德將加斤補平併入徵收酌定每年徵銀一百六萬兩按引核派除去請單呈綱二次所納餘於加斤時找完足數淮南綱鹽每引找納三錢八分五釐零食鹽二錢五分一釐零

照例具手上號

納銀出給銀票該商將銀票手本送禮房典吏查明將銀票並各照字手本俱送運司塗銷另填手本一樣二扣載明商名引數鈐印一標收字存房備案一標照字給商投監掣衙門領引該商一面將子鹽用駁船駁至沙漫洲裝載江船卽具報將狀開寫商名引數子包數目運行省分並船戶姓名投報監掣衙門監掣官造艙口冊一本一併呈送運司付承發房填寫桅封水程稽運引皮等票挂號登簿用印給商該商又將桅封等件送監掣衙門撲鹽院官銜江掣查驗訖紅戳並硃標開行日期等字將引目截去平上去三角只留入字一角

名曰熟引將該商所投引皮包封中釘紙撚監掣官鈐蓋臚印所大使亦於引皮合縫處上下鈐印二顆謂之封印所大使又將商名引數備文一角申報該省鹽道謂之所申同桅封水程稽運一併給商隨船開江

一臨江大掣 每新綱之始運司擇定日期具詳鹽院批准儀徵縣於江口搭蓋篷廠至期鹽院親臨廠內恭祀江神畢標提鹽牌提取西楚子鹽各數包抽稱標發頭船桅封開行以後鹽船俱陸續自行開江鹽到口岸將引目稽運水程所申投繳該處鹽道查驗鹽道俟一綱引目投齊將各引截去入字一角謂之殘引造冊彙

解鹽院中統一洞發司儲庫於綱竣時鹽院給文差解

戶部

以上皆淮南
綱食之鹽

一淮北引鹽 綱引各商皆有根窩其總冊存於運司衙門每綱給單滾總請單等例俱與淮南無異惟是淮北河道孔艱五駁十損方能由場達所是以康熙二十年鹽政丹代請復兩引並行一引之例乾隆六十年鹽政蘇楞額又奏准試行四併引灑帶一併引嗣因試行有效於嘉慶十年鹽政佶山奏准三引併爲一包以節運費蓋出場經歷之鹽河係由清河縣分洩黃河洪澤湖水入海每歲六七月間水大河院始啟開門商鹽然

後運行交冬水涸卽閉閘儲水以利糧運故各商先照滾總引數具稟運司預給照單飭發海州分司掛號發場捆築將一綱之鹽乘水全運抵所以備陸續請馬掣運其造冊呈綱等事向由分司辦理因往返耽延於乾隆二十八九年經運司趙之璧詳定商鹽到所之後卽赴運庫完足請呈加三項錢糧俟監掣廳申繳照票運司按引扣銷請單錢糧將銀票發知事查明造冊送司核銷呈綱錢糧造具底馬同請呈二項銀票呈院核明將底馬發監掣廳掣銀票銃發並將加斤錢糧扣銷清楚另印手本給商赴淮領引掣廳於掣後將引發

所釘封開具商名引數口岸冊送司填給水程引皮發
商一面將硃馬送院存案其所中開掣向例每併引重
七百二十八斤今三引併爲一包共重一千九十二斤
掣出多斤另配生引至運鹽引目商人於納請皮票之
後運司卽照封給引投存監掣衙門俟稱掣後領引運
岸投繳該州縣彙解鹽道轉繳鹽院查核銃發於綱竣
時一併解部綱鹽之大畧如此至若食鹽惟山陽之鹽
運行到所與綱鹽次第相符清桃邳宿睢則於永豐壩
員稱掣以就近由黃河分往各州縣道路較便故以壩
作所贛流二縣距場僅數十里於場員驗掣之後卽赴

該縣其給引銷引各件悉與綱鹽同

一江甘高寶泰興引鹽 江甘引鹽運至北橋由白塔

河巡檢塔報後運司給發引單交商赴庫領引投房釘封蓋印一面造具底馬同單票呈綱等冊併呈鹽院將

底馬編號開寫掣單飭發運司委官一員赴橋驗掣

以橋

作所鹽船過橋後運至揚城便益門外人公垣銷售引目

存院彙行統發運司同各殘引一併解部其江都額引

設店瓜洲鎮分銷甘泉額引設店邵伯鎮分銷例由江

甘二縣出具水程呈送運司運司出具桅封一併呈院

印發給商領引其瓜鎮水程例繳江防同知衙門邵伯

水程例繳邵伯鎮巡檢司衙門查驗該同知巡檢將水程按季截角呈繳鹽院查銷其餘事宜俱與綱鹽同高郵州引鹽自場運至州南門外廠內

與寶應縣鹽引俱不由泰甬

該

州赴廠稱掣於州治各鄉鎮分銷寶應縣引鹽自場運至縣東門外廠內該縣赴廠稱掣於縣治並黎城衡陽二鄉鎮分銷泰興縣引鹽自場運至泰州過滕家壩換船抵縣北門外廠內該縣赴廠稱掣於四門各鄉鎮分銷皆例無桅封水程其餘事宜又均與江甘同

謹按以上悉照嘉慶舊志所載

刪減綱例

鹽政陶澍任

道
光
十
年
十
二
月

欽差戶部尙書王鼎侍郎寶興奏領運舊例有呈請加三項名目又有平上去入四處截角名目其餘硃單皮票梳封等名目甚多不可殫述以至運司衙門書吏多至十九房商人辦運請引文書展轉至十一處之繁經鹽務大小衙門十二處節節稽查並無稽查之實徒爲需索陋規之具應交運司悉行查覆可刪則刪可併者併以速商運而免稽延

道
光
十
一
年
二
月
運
司
俞
德
淵
詳
淮
南
商
人
辦
運
綱
食
引
鹽
向
例
納
足
請
單
錢
糧
呈
投
核
銷
卽
將
商
名
引
數
填
入

單中詳請鹽院蓋印發司給商領文赴場重鹽設遇封
印期內及鹽院帶印公出均准先行給商趕運按旬開
冊呈報今查照單蓋印似覺展轉稽時應照封印公出
之例免其呈印嗣後凡遇有投請名引按旬開冊呈報
經鹽政陶澍批准

道光十一年二月運司俞德淵詳淮南掣鹽底馬例係扣
銷應完錢糧之後卽由司印給底馬發南掣廳掣驗彙
冊報銷事屬簡便應請仍舊辦理惟淮北掣鹽底馬向
均造呈鹽院核明蓋印發司以便隨時填用今應否仍
照封篆之例躉造空白底馬呈請蓋印發司俟商稟請

時填發北掣掣運一面申報查考至各商護運耗鹽空白驗單亦請循例呈蓋院印發司填給護運經鹽政陶澍批准北近係先鹽後課非先納課後請底馬可比其准借與否應隨底馬具詳奉經批准方能借給茲雖刪減繁文未便以應詳之件亦復刪除應仍遵照向例辦理至護運耗鹽空白驗單向係鹽院衙門預印空白似可照舊辦理嗣又詳准將江甘高寶泰底馬梳封毋庸逐票呈請院印又淮南各食岸呈綱票冊徑由司鈐洞道光十一年三月運司俞德淵詳查運司衙門設有十九科房本屬過允查定制上下衙門均設吏戶禮兵刑工

六科名目經管錢糧衙門則有庫房至承發房係文書
總匯之地鹽務則有頒發引目架閣庫亦不可少是此
九房必須仍循其舊其餘十房各就所辦之事歸併九
房之中如折價房專管竈課倉房專管倉穀甯鹽房專
管甯國食鹽請運此三房應歸入戶房經歷房專管詞
訟稿房專掌堂訊錄供此二房應歸入刑房收支房專
管呈綱硃單根卷與架閣房所管之綱鹽引目皮票請
單相同應統爲架閣房廣盈庫雜科均管收兌正雜錢
糧雜科多一京餉庫房管雜費錢糧餉房管外省餉銀
並統爲庫房名目其房南北名目應行刪去再運司衙

門科房額設典吏十名今酌歸併九房查庫房向無典吏議將雜科廣盈庫額設典吏一名均請歸入庫房註爲雜科典吏名目統歸一房其架閣房刑房向無典吏應將收支額設典吏一名併入架閣房註爲收支典吏名目經歷房額設典吏一名併入刑房註爲刑經歷典吏名目各統歸一房經鹽政陶澍批據議歸併九房所辦甚好惟收支經管事繁架閣公事極簡應以簡併繁惟庶昭妥協嗣據復詳收支事務殷繁原當以簡併繁惟架閣專管引庫內儲引目重疊給商領運並稽綱鹽請單錢糧及商請照引單封發場垣更立垣名及垣商訟

案移重改發又淮北綱食給引號票等件亦屬事多任重似非簡曹可比今請將該二房免予歸併仍存原舊總以十九房歸併十房庶責有攸歸復經鹽政批准

道光十一年六月運司俞德淵詳奉飭將商人重出各鹽斤船到北橋由司給發紅布旗一杆以便揚關查驗給發橋旗本係舊章早已停止見在船到北橋由巡檢開具商名引數到司卽由司備文移知揚關放行與給橋旗無異應照見章辦理又重鹽到壩填註到橋限期迨到橋後由放橋之經歷填註到所限期是沿途已有稽查乃復由司給以護單係屬重複業經裁革又自壩至

儀不過一百七十餘里向分五站每站委員查驗並按
站給發聯單加戳放行名爲催趲轉致耽延需索業已
將委員聯單停止又如淮北江運原給水程等件稽查
乃向來又隨時詳請護照亦屬重複亦應刪除均經鹽
政陶澍批准

道光十一年八月運司俞德淵詳前奉諭以江運既有水
程稽運毋庸再請院照以省繁文茲據淮北商人稟稱
淮北江運鹽船向係雇用西船裝載取其船身不甚過
笨由運河三百餘里行走出江不致有礙糧船地步故
每船受裝祇五六十包及七八十包不等計每架引鹽

二千餘引分裝十數船非若淮南一船能裝千餘引鹽斤可比此江運鹽船南北之情形不同也查奏改江運始於乾隆五十等年凡每鹽一架所請水程稽運引目祇能一封存儲一船而分裝之船雖係一齊開行第長江風信靡常恐其中因風先後行走漫無官件爲憑且經由之處皆係淮南引地入裕溪口始爲北岸所以正副二船請給江運護照一張以別官私以杜關津隘口稽阻且免停泊之所藉端需索今奉裁減每架引鹽勢必行之一處關隘守候各船到齊呈驗程引方可開行而船戶奸良不一設使中途滋事地方官自應將犯事

船隻扣留其餘眾船雖可先行惟所裝鹽包又與程引內數目不符必致沿途逗留轉覺因噎廢食應請循舊頒發院照署司當查淮北引鹽既係分船裝運應照淮南之例按船分給水程引目茲復據該商復稟水程引目釘封包紮何敢私行拆驗各處關津隘口終屬無憑查驗且停泊之處均係淮南引地明知程引可憑見包紮而起需索之端况小船所裝不過數十引人窮性悍一經停泊百弊叢生籲叩詳請督鹽憲頒護照以利商運查該商既以刪除護照諸多窒礙屢次稟求請復似應仍復護照以利運行經批飭分岸具文請給空白發

司填用

道光十一年十二月運司俞德淵詳查淮南北商運鹽船開江例領水程稽運引皮桅封等件護運歷係查明誌載原式敬列鹽院銜姓刊列票內刷備空白請用院印發司以便各商捆裝投報到司查明錢糧完清按照狀內綱分名引子包及船戶商廝名姓裝往某府售賣填入各票由司掛號鈐印徑行給商投廳同引目釘封開行以便沿途關津查驗到岸卽將各票投繳鹽道核銷其引係按封包裹引目釘封亦由鹽道彙同殘引繳部核銷查此項官件沿江到岸稽查護運號票應請鹽院

銜姓刊刷各票並仍請院印發司仍俟給過各商綱岸
名引按月摺報呈送查考鹽政陶澍批此項水程稽運
梳封等件向來係以空白呈用院印而鹽院衙門祇有
用印虛文並無稽查實效嗣後應由該司查明南掣報
狀扣清錢糧按照所開商名引數船戶姓名等項卽用
司印給發毋庸再以空白先請院印以省繁文

道光十二年二月運司俞德淵詳明此次淹消補運鹽斤
原爲接濟十二年夏季楚西兩岸民食起見應與正鹽
同時給照發重若循例逐岸詳請給批再行配定重築
勢必有需時日轉致正鹽稽運不能趕在南陽風信以

前開行仍與夏季岸銷無濟前項補運之鹽業已給與
護照同正鹽照票陸續發場捆運經鹽政陶澍批補運
引鹽向須逐案呈送買補批文核明印發買補今據請
毋庸呈院印批則是已補未補無從稽察必滋弊竇仍
應出具買補批文請印副據詳覆補運引鹽業已陸續
重捆到儀應俟捆裝滿船詳請批文給發護照經批俟
捆裝滿船卽行取結由司逐案核明詳請給發補運護
照以便到岸查驗此後補運引鹽仍循例出具批文呈
送印發以備稽核

道光十五年八月鹽政陶澍札運司據該司呈稱准北江

運各岸空白護照先後奉發一百六十五張已據各商請用過七十六張尙賸八十九張見在淮北江運各岸詳奉批准派給西吉各商派運尙未據西吉商人派認運行誠恐江運各岸舊商請運引鹽仍須給照護運所有賸存空白護照應請暫緩呈銷查淮北江運之鹽向係水程引張並發以便護運惟鹽多船少必須分裝方便運行其分裝船鹽難將一票引目零星分拆給與護運是以由司報明某船裝鹽若干承裝船戶某人請由院核按船給照以便護運此蓋以照代引之故也今據呈册內開道光十二年閏九月給過官運辛卯綱鹽五

千二百五十引共祇給發護照二張又十三年四月給
過商人王履泰請運辛卯綱鹽五千四百引共祇給發
護照二張查江運北鹽前據該司稟稱每船受裝止五
六十包及七八十包不等計每架引鹽二千餘引分裝
十數船等語從無一船裝載二千數百引之多此明係
各船分裝而司中祇填總數護照不復按船給與在官
鹽裝船既無護照爲憑設有私船載鹽亦稱官運關隘
憑何稽考該司立即飭承迅將前發未用空白護照八
十九張卽日具文呈繳核銷嗣後如有江運新舊各商
請運應卽隨時逐票由司開具商名引數行銷口岸及

船戶姓名清摺呈院由院查核按船給發護照運行以
免滋弊嗣據運司將空白護照繳銷請仍發空白隨時
填給經鹽政批見當趕運之際各項公件自應以速發
爲是惟在前所發空白印照司中並不按船填給易滋
私鹽冒充官鹽之弊是以飭將原發空白印照繳回嗣
後按船請給今若仍以空白發司難免該管經承不復
再滋前弊如謂商船到揚難以久待應飭各商於雇船
後卽將裝載引數船戶姓名開摺呈司由司先行呈請
按船給照一接來文卽日趕辦飭發計該船自准開行
至揚尙需時日似尙不致遲誤亦可免滋弊端應遵照

前札按船請照以免冒混

道光十五年十二月署鹽政林則徐示照得票鹽運赴口岸呈繳照票定有到岸限期本年續發簡明章程復聲明逾限不繳票作廢紙鹽以私論等因通飭遵照在案惟查該民販等捆掣之後領票待行每年須俟雙金閘鹽河有水方能舟楫通行而雙金閘開放一年不過一二次設遇冬月運至洪湖守凍來春方得開船舟運票鹽勢難依限到岸繳票地方巡役驗票難免遂啟訛索之端茲據海分司稟請嗣後各販到岸繳票限期應以順清河委員截第四角之日起限等情所議甚爲允協

自應量加變通除稟批准並通飭行票各地方州縣遵照及札順清河委員嗣後於各販呈票時卽於票內註明所截第四角日期以便各岸州縣稽查起限外合亟曉諭爲此示仰各民販人等知悉嗣後運赴各岸票鹽所繳之票總以順清河委員截角之期起限扣算有無遲逾以昭核實而免屈抑儻該民販等再有逾限票卽作爲廢紙鹽以私論毋得自干咎戾

道光十七年十月護運司姚瑩詳據江運各商稟北鹽向係由所改捆船泊烏沙河地方係爲專泊鹽船之所尙可守領程引並無違礙今商鹽改於清江運河北岸受

裝其地爲糧食各貨過載馬頭裝畢卽須開讓不容再行停泊兼以河道淺窄時有糧船經過並銅鉛船隻擁擠別無寬處堪以停泊赴揚請領呈引非一二十日不能給領加以北監掣申文往返需時萬萬難以久待應請於捆掣受裝後卽行飭令開行一面申請院照總於鹽船到場完清應納錢糧卽給院照放行暫免請程引其存庫引目卽核數同各綱殘引就近銃銷以免稽延而利課運等情護司查場鹽到壩改捆渡黃盤駁至清江稱掣裝船例應發給程引釘封開行其申請院照護運原係權宜辦理若暫免給發程引將引自由司就近

欽銷解部必致程引永遠廢棄殊非鹽不離引本意嗣後運鹽到壩捆掣裝船仍應照例申請程引釘封開行如固口岸需鹽趕運或因糧船擁擠不及申請程引釘封卽由北掣廳給批護運至揚聽候申請院照運往濟售仍補請程引投銷庶程引不致偏廢經鹽政批商稟似亦實情查在前因岸市需鹽多係先請護照隨後補請程引上年復又詳定章程揆度事理所宜見在清江捆裝船鹽應仍照案先由北掣廳給批護運至揚聽候申請院照運岸濟售仍補請程引照例投銷以速趕運而符舊制

謹案以上皆道光間查辦淮綱以後規例

淮南改票規例

鹽政陸建瀛任

一 刪除繁文 舊制請運必須徧歷運司十九房科及四首領衙門守候需時今擬飭商將正雜錢糧鹽價并納由總局核收立予庫照赴壩重鹽後繳呈庫收換給引目鹽照船照准其開江運岸一切繁文悉行刪除不准首領及科房書吏與商人交手以杜積壓句串各弊向設十九房亦照吏戶禮兵刑工承發等各名目酌量歸併

一 具稟納課 凡商販請運自具正副手本載明請運

引數運往某省發賣每逢一四七日期赴總局上號次日卽將應納正雜錢糧經費鹽價銀兩一併交納總局由局當日給與庫收該商於買定場鹽時呈繳庫收換給重鹽執照前往泰壩買鹽運至儀徵解捆開江每綱引數照見經奏明酌復原額每年運行一百九萬五千五百十引滿額卽止

一鹽照截角 商販專用鹽照護運所有原奏引目每引一張爲數繁多卽應裁除以歸簡易商鹽運儀將重鹽執照先由運司發交總局由總局隨時發交南掣廳於掣捆後截第一角交商收執開江時由儀所大使截

第二角龍江關過卡截第三角運到指銷各省之總卡
截第四角其鹽照一連二張一爲鹽照一爲照根編寫
號數年月蓋用鹽政印騎縫蓋用運司印經過關津惟
龍江關爲出江總卡新鹽到此均須驗照截角抽稱如
鹽與照離或越卡漏截照角俱以私論其餘各關卡如
非應行截角之卡不准抽查鹽引下次請運後鹽仍將
舊照呈繳總局查銷每鹽一船由南掣驗廳開江時另
給船照一張將商名引數運銷省分船戶姓名裝鹽艙
口包數逐一開載不必再用桅封水程稽運等件商販
專以鹽照爲賣鹽之據凡給發鹽照船照以及收繳鹽

照船照均不准官吏需索分毫

一泰壩掣鹽 泰壩爲通泰各場鹽總匯交商之所賣斤偷爬積弊不一而足應由泰壩官選擇壩董四五名專管鉤損人等擡鹽過壩各事其壩費官爲酌中定數不准仍前浮濫此費由本商交董代發不准各工人等向商爭競需索其鉤損頭由泰壩官點充入卯令其管束各項散工仍交壩董約束如有鉤損人等滋事惟鉤損頭是問損頭作弊惟壩董是問其壩董代商過鹽俱由官輪派不許私稱主願把持爭奪如壩董作弊卽由泰壩官隨時責革另選接充官之募友家丁書役如有

損屯船儀河駁船江船捆工等一切照費全行禁止如有前項刁難訛詐許受害之人指名稟究從重懲辦

見行票鹽規例

自同治二年鹽政曾國藩任訖光緒十七年鹽政劉坤一任

淮南票規十一條

一按票請引 同治二年鹽政曾國藩初定淮南票鹽章程照舊例以六百斤成引無論官紳富商悉准認辦鄂湘西三岸以五百引爲一票皖岸以一百二十引爲一票由鹽院刊發三聯護照交總局填發以照根留爲存查以中照給商護運以左照寄封四岸督銷局查對

詳見票法新章

一給咨環運 同治五年署鹽政李鴻章釐定循環轉運章程各商以已認之票用原請花名接認後綱之引鄂岸以丙寅春秋兩綱湘岸以乙丑秋綱丙寅春綱西岸以丙寅春秋兩綱丁卯春綱皖岸以乙丑秋綱丙寅春綱爲始凡商販售出本綱一票之鹽由督銷局給予

下綱一票之咨轆轡轉運

詳見循
環給運

一呈繳預釐 鄂湘西三岸每票五百引前綱售竣於岸局請咨時完繳下綱預釐方准領咨環運鄂湘兩岸每引繳預釐銀四兩西岸每引繳預釐銀二兩皖岸每票一百二十引繳報效銀二百二十八兩鄂湘西三岸

需索惟本官是問

一儀徵解捆 每引連包索滷耗以六百六十斤出場
過壩運至儀徵解捆分裝十包每包六十斤外加包索
滷耗四斤包索商販自備由南掣廳批驗子鹽大使督
飭儀董捆工人等當場解捆隨時抽稱駁入江船開江
如有溢餘堆儲公垣俟積有成數照淮北公鹽之例完
課配運倘解捆短缺係屯船並不小心保固所致應不
准其買補其經管解捆設立儀董四五名專管捆工各
事所有捆費官爲定價由商給董轉發不准工人私稱
主願向商需索各文武衙門兵役不准索費倘有捆工

滋事立拏捆工頭革辦仍惟儀董是問募友家丁書役
責成本官一如泰壩之例

一雇船運岸 泰壩屯船儀徵江船均由本商自雇並
自發水脚勿須官爲經理亦不准埠頭把持違者稟官
究懲遇有短斤盜賣船戶照岸價賠還仍治盜賣之罪
商夥商厮句通作弊加等治罪

一禁除黑費 商販自泰壩買鹽過場運儀解捆開江
到岸一切繁文如塔報過橋三分河給票皮票梳水一
概刪除其自壩至儀沿途關津胥役文武兵役以及地
方匪棍向有黑費一概禁革其場下寵戶場商泰壩鈎

俟售鹽時如數書扣以預釐票抵繳釐銀皖岸所繳報效不在釐金之內不准扣減

一繳價領單 各商領到環運咨文查照各岸定限赴場呈投掛號繳完五成預價自岸局領咨之日起湘岸限三十天到場鄂西兩岸限二十五天到場皖岸限十天到場各再予限五天赴淮南總局投咨掛號每引預繳鹽價錢五千文安梅書院經費銀四分八釐淮南總局卽以投咨繳價之先後爲開綱後給發買單之次第如逾限匿不投繳卽將引票扣運一次以杜取巧總局核明咨內花名的名綱分引數相符准其掛號繳價

已經開網之票隨時給發員單未經開網之票卽先將
鹽價收照交該商存執俟開網時持赴總局換領買單
赴棧買鹽

一挨輪售鹽 場鹽到棧卽開明場分鹽色引數榜示
棧前以到棧之先後定輪售之早遲通泰兩屬以二萬
二千五百引爲一輪內泰屬派一萬五千引通屬派七
千五百引遵照核定鹽價懸牌曉示如有於牌價之外
暗增暗跌者查出嚴究

詳見
總棧

一交斤過稱 淮南每引六百斤加耗六十斤包索二
十八斤共六百八十八斤改捆八包每包八十六斤以

撒手定鈞稱桿正平爲主場商不得短少江販不得爭
多各按請籌先後過鹽不准爭先壓後

詳見票法新章

一損夫腳力 凡場鹽到棧上倉歸堆挑力由場商給

發搬鹽上船挑力由運商給發均聽自雇不准有損頭

腳頭名目以防勒指

詳見票法新章

一開辦新綱 淮南鄂湘西皖四岸綱鹽鄂岸見行十

五萬引湘岸見行十五萬四千引均分春秋兩綱開辦

西岸見行十七萬引分三綱開辦皖岸見行八萬九千

七百六十引分兩綱開辦湘岸於見行內春綱撥出四

千五百引秋綱撥出八千四百引專運平江碱片向係

提前開綱皖岸又於見行內春綱撥出一百五十票秋
綱撥出一百五十票改辦北鹽專運合肥舒城巢縣廬
江無爲桐城六州縣銷售亦係提前開辦其鄂湘西三
岸向係前綱之鹽將次運竣新綱投咨繳價積有成數
由淮南總局申請接開下綱皖岸則先請轉咨岸局核
明岸銷暢滯情形咨覆核辦均由運司轉詳鹽政批准
擇期開辦轉飭淮南總局示諭各商遵照已投咨者卽
將鹽價收照持赴淮南總局繳完正課經費及揚由關
稅銀兩換領買單赴棧買鹽未投咨者卽陸續領咨來
揚呈投繳價領單辦運

一給票開江 各商領到買單赴棧看定鹽色訂立交
單查照定章場鹽牌價將應找後五成鹽價錢文及應
完各項雜捐赴淮南總局呈繳請給發鹽護照赴十二
圩儀徵總棧挂號請籌過鹽俟鹽斤全數掣上江船報
由查艙委員查明所裝引包各數相符卽於船身喫水
處加蓋火烙印記一面填發艙單商人卽持艙單呈送
淮南總局請發開江大票總局核明所裝花名引包各
數無訛按船填齊三聯護照申請運司蓋印飭發總局
卽於護照上截去第一角連同移知抽查及驗票各卡
文書一併交給商人護運開江駛岸俟輪挨售按照定

章左照由淮南總局按旬寄各督銷局核對照根存淮南總局備查

一皖運北鹽 皖局例運南鹽外復有江運北鹽係由運司儀棧察看前綱將次運竣卽先札飭海州分司捆運板浦中正兩場北鹽到壩一面由運司儀棧委員赴西壩領運到棧儲倉淮南總局以奉到司棧會委捆運文札之日爲始卽爲給單開辦之期起限飭繳鹽價已領咨者限於十日內投咨呈繳全價給單買運未領咨者照南鹽限期以在岸領咨之日起一律限二十天呈繳逾期扣運示罰

一食岸指重。江都甘泉高郵寶應泰興爲場屬食岸
並權運南鹽之天長一岸運鹽時逕赴司署納課指明
收買某場某垣鹽數請發重鹽護照就場捆重每引分
捆十包每包六十六斤鹽重出場一水運岸銷售上元
江甯江浦六合高淳溧水句容爲甯屬食岸亦係指垣
買鹽惟須先赴總局請給重鹽執照註明指重字樣分
捆包斤各數與稅鹽同鹽運到棧由棧訂立交單復赴
總局繳納正課經費出江釐金等款請領發鹽護照赴
棧掣鹽運岸其大勝關釐金由商在岸赴鹽巡道衙門
呈繳至儀徵一岸始於同治四年籤商認運附在甯屬

食岸之列其指重時先赴總局繳納課釐等款由局填
齊重照呈送司署蓋印給重鹽抵新城由卡員掣驗後
原船一水達岸不赴儀棧訂單以免繞道

淮北票規八條

一開網掣籤 淮北票鹽額引向分太平中富西臨臨
浦青口五局派捆配運每屆開網時由海分司先行造
具上中下各戶鹽數清冊當堂掣籤分別派運光緒二
年鹽政沈葆楨批定公捆公售之法將蘇浙豫皖鎮海
分爲六幫每幫公舉兩家共十二家經理捆運事宜從
前分五百引爲一籤乃改散籤爲總籤照額運全綱票

引分爲十二籤以各幫認運引數併戶開列仍照舊章分上中下戶當堂籤派以歸簡易

一掣驗截角 每年開綱分司將某票販運某垣鹽引先期掣定俟鹽河長水票販下場捆鹽場員局員督同局商駐堰監掣本販督捆捆齊後局員將大票每張十引蓋戳並標出局日期截去平聲一角由堰開行經新關海分司稱掣後前抵大伾山卡呈驗大票聽候抽掣標過卡日期蓋戳截上聲一角放行直抵清河縣之西壩該處設有鹽棧十餘家鹽船抵壩將大票送棧蓋用棧名小戳然後投西壩卡員驗明挂號截去聲一角發

鹽上棧堆鹽成廩

一公所掛號 凡運場鹽到壩先往公所掛號由公所
查核無訛開明包數加蓋圖記再赴錢糧局開除其售
鹽斤兩由公所派人監稱

一抽掣包斤 淮北票鹽例定捆鹽出場每包連包索
涵耗一百十斤其鹽包由局員認真稱掣並由海分司
隨時抽掣如掣出重斤將全船包數扣罰提鹽充公引
票註銷另招他商承運

一票販交價 票販應付垣商每引鹽價六錢駁價三
錢爲淮北改票時奏明之例咸豐四年海分司許敦詩

稟經鹽政怡良奏准鹽價減爲五錢駁價減爲二錢同
治三年鹽政曾國藩刊發新章鹽駁價亦定七錢同治
五年海分司沈炳詳由鹽政李鴻章批准酌加一錢同
治十二年三月五月海分司于寶之會同委員張元愷
兩次稟復舊章鹽政李宗羲批准照從前九錢成案辦
理迄今相沿未改至票販交價向將銀兩呈繳分司轉
發垣商同治三年鹽政曾國藩奏改爲由販自付嗣以
鹽色屢有參差且先價後鹽難免票販不爲垣商勒捐
光緒七年經署海分司張元愷稟由鹽政劉坤一批准
嗣後每引鹽價六錢票販全繳分司衙門於掣籤後先

給三錢鹽運到堰由局委驗過鹽色再給二錢其餘二錢俟鹽到西壩驗明再發儻鹽色低次隨時扣價究辦其駁價三錢照舊由販自交

一駁運限期 垣商駁鹽到堰責成場員督催而各垣道路有遠近垣河有水旱分別立限如在一百里以外及八九十里者限十日六七十里以內者限五日以發駁價打包繩之日起限逾限不到將垣引扣號改撥追繳鹽價另給

一航船掣驗 向來票販裝鹽之船名爲廠口船其坐赴各垣捆鹽以及赴堰掣鹽者名爲航船又名爲日計

船票販於未經開捆之前預爲雇定以備往來垣堰捆掣之用至局卡委員抽掣查驗亦須雇坐航船如遇地方衙門需船應差由船戶等均各津貼埠頭辦公錢文該埠頭先行雇定空船以應往來差使

一循環給運 淮北票鹽每屆開局向由民販挾資候驗籤掣派運嗣以民販貪多挂號往往借資助驗銀息厚於鹽利得不償失而掣得引票之販或且高擡引價賣號而不辦運流弊滋大於是鹽政馬新貽商明曾國藩停止驗資仿照淮南環運章程飭自甲子綱爲始卽就癸亥綱各舊販按照實運花名引數接遞認運並經

奏明有案

兩淮鹽法志卷四十五

兩淮鹽法志卷四十六

轉運門

總棧

總棧之設其初以杜商竈交通之弊商自主之官爲督率而已厥後淮引大行官棧始立率檄監司大員縮其事垣商由場運鹽至棧儲之於倉運商至棧買鹽挨輪派售其價值低昂由官酌定懸牌棧門號曰牌價垣商運商不得任意漲落蓋與口岸督銷局同一整輪保價之意道光季年鹽政陸建瀛創建此議厥後司淮鹺者乃昉行焉始泰州繼口岸繼瓜洲旋移設於儀徵十二

圩規模日以廓章程日以備不得謂非隄政之要鍵也
茲遞述淮南設棧之端委而復以淮北西壩附焉志總
棧

道光三十年十月鹽政陸建瀛奏淮南新章自本年四月
初三日開局以後經臣派委江蘇臬司聯英兩淮鹽運
使劉良駒督同局員淮南監掣同知謝元淮候補運判
范維璿暨委用知州姚瑩蘇州總捕同知熊傳栗河工
候補同知邵勳卽補運判洪同柱等或總司局務或分
投領運倡導截至七月二十六日已據舊商新販認運
六十餘萬引陸續裝鹽開江八月下半奏銷已敷造報

見仍源源請運極爲踴躍惟查鹽未到江之先內河途徑紆曲每屆冬杪春初卽虞水涸夏令又苦涵耗以致一年之中運鹽不過數月遠處商販因此尙懷觀望臣與該臬司運司悉心籌議擬仿淮北西壩辦法於儀徵解捆處所設立棧房先行由司籌款在場收鹽運至該處無論江廣等省客船商船自十引至百千萬引均准繳價呈買各赴淮南引地銷售其附近官紳商民情願出資赴棧者亦准繳價自運則易賣易銷商情無復觀望似於招來之道更見周浹矣

道光三十年十二月鹽政陸建瀛奏臣接准部咨以儀徵

設立棧房是否舊有抑須新置司庫籌款收鹽勢不能以運庫應撥應解之款再行墊發請

敕通盤核計如果設棧收鹽准令官紳商販繳課運行實可源源而來確有把握應卽照所議一面奏覆一面趕辦等因伏查淮北票鹽在清河縣西壩地方設立鹽棧本係外辦章程臣前奏淮南倣照辦理原擬於儀徵新設以避內河之行滯便各商之運銷迨旣設以後官紳商民自出己資稟請添棧運鹽絡繹不絕並無須由司籌款收買此項引鹽卽在新綱額引一百九萬五千五百十引之內亦非額外之引惟場鹽額產不敷見飭淮北協

濟三十萬以有餘補其不足一面札司查明催煎不力
之分司場官另行核參至新章能否久遠屢經臣議及
臣揆諸情理參以時勢俟再辦一二年果無掣肘則人
心大定斷非不能暢旺不能經久之事奉

硃批戶部知道欽此

咸豐七年五月署運司郭沛霖詳淮南運道未清收稅日
絀目前救急之法惟有泰州設立官棧商販納稅運鹽
入棧發販收散漫無稽之鹽而歸吾約束招殷實有資
之販而利其轉輸化場商之積滯以恤商卽收亭竈之
煎鹽以恤竈恤竈卽以杜私杜私卽以裕稅經鹽政怡

頁批允試辦

詳見就場徵課

謹按此事尙未舉行怡良郭沛霖均去任然以其創議在先故錄之

咸豐七年七月署運司喬松年前藩司聯英會稟刻下運商資本告罄場商垣產全虛竈戶散漫難稽小販奸黠百出而場官經收課項又易至挪用侵虧必須收鹽歸垣方能杜絕竈私今擬於秦州設立總局謹擬章程八條呈鑒

一秦州設立總局另於丁堰設通屬分局東臺設秦屬分局每鹽百斤收正稅銀一錢二分經費銀三分

一通州如皋秦州東臺興化鹽城阜甯附場七

州縣向用食鹽小票易滋弊混見已設局請一律照岸
鹽抽稅 一每鹽六百斤給票一張加一滴耗零星小
販准其併戶合辦不得畸零每百斤分裝兩包不准散
裝 一場商大販俱在總局完稅給照赴場運鹽其零
星小販不准下窰買鹽或由商販納課運鹽轉售或赴
分局納課請運均聽其便 一場商運商所得鹽價續
收窰鹽轆轤轉輸俾窰戶煎丁餬口有資冀免售私

一場鹽山運無論發販存棧先由場員驗明截去照票
平字角出場後泰屬之鹽北六場經行海道口南五場
經行十八里河均由泰州分司驗明截上字角至泰州

總局由局員驗明截去字角通屬之鹽至力乏橋由分
司驗明截上字角至丁堰分局由局員驗明截去字角
通泰兩屬之鹽行抵東壩報由委員驗明截入字角

一泰屬小販之鹽均過泰州鮑家壩由寶帶橋出江通
屬小販之鹽均過如皋境林梓鎮通州境五檔橋壩至
周家圩港出江餘如泰屬涵口界溝廣福橋二道橋中
開老虎壩通屬靖江境七八圩港紅橋西亭通江口如
皋宏濟閘等處一概不准過鹽出江 一場鹽無論發
販運棧除捆忙駁損應得辛工照常給發外其餘一切
黑費概行禁革經鹽政何桂清批據稟於泰州總局之

外另設丁堰東臺分局二處無分岸食每石百斤完銀一錢五分仍在東壩或南渡派員稽查似較郭署司任內所定章程稍有把握仰候將大概情形奏明試辦章程

八條詳見
就場徵課

咸豐九年七月署運司聯英稟通泰二十場皆依范隄而居隄外距海自七八十里至百數十里不等盡是竈地竈丁與販戶勾結透私地方遼闊散漫無稽遂致收稅寥寥七年七月本司到任察知其弊亟宜革除無如場商未集苦無綱領可繫只得各就各場辦理所有請運販戶祇准下場與場商交易不准下竈與竈戶勾連於

是私鹽漸少稅課稍豐兩載以來微有成效各商聞風而至因思販戶下場乃一時權宜之計究非善策且各販類用小船與私船毫無區別周圍千餘里之下河港汊紛歧巡緝難周若不籌一挈領之法必致私梟充斥奸匪混迹與地方鹽務所關匪細今本司督同總分各局委員傳集場運各商通盤籌畫惟有仿照從前儀棧之式在於泰州設立公棧令場商各將垣鹽運棧堆儲由棧發販曉諭大小販戶祇准就棧買鹽不准下場請領其棧務一切責成商人經理本司就近督辦得以隨時察核其場商請領護照運鹽到泰准用屯船不准再

用小船如此則私船無可混淆梟販不能影射巡緝亦
易爲力茲擇於七月十五日開棧各商自知切己之事
無不踊躍樂從自此場運各商雲集將來江路通行開
辦新綱亦必得手本司爲整頓場竈嚴堵私鹽起見合
將秦棧章程開摺稟祈核示再秦棧既設則秦屬之東
臺分局無事可辦業已撤除其通屬各場離秦較遠應
就丁堰分局設棧仿辦一仿照儀棧之式在秦壩設立
公棧卽在總局之旁凡運商請運場商自運均將承辦
引數按半年一次派定勻分十檔按檔由總局給發護
照赴場重鹽運鹽到棧各商公同議價按檔發售大小

商販先赴總局按引納稅一面就棧買鹽請領照票卽
便開江其照式及過卡查驗以至東壩銷售悉照舊章
辦理一大小販戶一概不准下場重鹽均就泰棧買賣
前此以鹽就販長落權屬於人今則待販買鹽貴賤操
之於己必須分別鹽色將售價畫定場商無慮虧本自
可廣收竈鹽竈丁煎鹽有歸亦不至透漏濟私矣一場
垣桶價必須察看草價隨時酌定務令竈丁得沾微利
衣食有資儻有奸商剋扣桶價以致草本不敷定將商
民斥革垣產充公一竈私應由分司督令垣商率同頭
長嚴稽火伏隨時赴竈巡查無許顆粒偷漏一商人在

局請領重鹽執照自場運鹽到泰必須裝用屯船不准用數十引之小船致與私船毫無區別一向來各場河道偶遇亢晴卽至淤淺鹽船行運維艱今諭各商察看水勢務於未淺之時先將垣鹽趕運數檔儲棧待售庶免阻滯之患亦免販戶待鹽之苦經鹽政何桂清批允咸豐九年十一月兩江總督何桂清奏鹽務以緝私爲第一要著設局之始卽經委勘二十場出入道路扼要設巡並有鹽捕營都司大員督飭千總等弁周歷稽查然設卡堵緝尙係遏私之流而非淨私之源見聞金陵克復在邇卽將漸復舊規已仿照從前儀棧之式在於泰

州丁堰分別設棧令場商收鹽運棧發販不准販戶下
場以期杜絕場私事權歸一並將東臺分局撤除如果
試行有效將來江路通行新綱亦可得手經戶部議查
行鹽之法場商向竈買鹽歸垣運商赴垣領鹽行岸原
以竈丁既有場商收買則偷漏自少運商必由鹽垣稱
掣亦夾帶易稽向來轉運舊規本極周密今該督籌擬
場商收鹽運棧發販自係仿照成規以杜販竈勾結透
私之弊既據聲稱毋庸添設大員專駐以節糜費仍應
督飭鹽捕營都司等員弁實力四處巡緝毋任私販偷
越有妨稅課奉

旨依議欽此

咸豐十年八月運司喬松年詳據淮南總局詳稱案據棧商何源盛等稟稱泰州爲裏下河門戶六月初旬儀徵銷路驟開各艇師來泰運鹽人數旣多言語各異恐有無業游民藉此句引不法之徒混迹入內稽察難周不可不防其漸查見在鹽船上水赴儀徵下水赴小河者概由口岸鎮出江惟有遵諭在口岸另設分棧各場引鹽自運分棧待售旣可便於各販而腹地亦無人色混雜之虞再口岸旣設分棧應請轉稟運憲出示曉諭除日內已在泰棧繳過鹽價者仍准在四浦發鹽其泰棧

卽日停止統歸口岸分棧收價發鹽以從販便等情卑
局伏查該商等所稟口岸月設分棧運鹽至棧待售藉
以便客販而靖地方惟查咸豐七年設立總局章程本
係先課後鹽去年添設總棧改爲先鹽後課係指到秦
壩而言今須運至口岸自應查銷路之暢滯定運鹽之
多寡在壩納課再行運鹽但各商旣需籌備駁腳據稱
無力再完錢糧似宜格外體恤而局照又未便僅憑重
照給發然不給照又無從護運應請於請領局照時由
各商先具本名銀票呈局俟運鹽到棧出售時由卑局
委員駐棧按引提課繳局核計銀錢相符發還銀票庶

於公事較有把握商情亦不至爲難除由本司批示外
理合詳請鑒核經署鹽政薛煥批允

咸豐十一年二月運司喬松年申竊照通泰稅鹽前經委
員於秦州設立淮南總局經理秦屬事務丁堰設立分
局經理通屬事務均經詳報在案茲本司察核秦屬承
辦之鹽在秦設立總棧由商承運挨檔運至口岸分棧
發販一切整頓疏銷章程辦理俱臻妥善而通屬同一
淮南似未便畫分畛域亦應仿照秦棧章程由商承運
併歸口岸發販以歸畫一因請撤丁堰分局另委員在
秦州南門外掣驗通屬引鹽經鹽政批允

同治四年四月鹽政曾國藩核定瓜洲設棧章程八條

第一條改道瓜洲淮南稅鹽前由泰興縣之口岸出江本係暫時權宜之計見在楚西皖三岸銷數漸暢運司日回駐揚州而口岸河道窄狹冬令水涸時有淺阻之虞用特籌款將運鹽河道一律挑濬深通本部堂親赴瓜洲勘明新河口地方在於離瓜洲迤東三里許七濠口迤西二里許該處江路紆曲下有平皋外江大船可以拋錨駐泊內河則於新河之尾開一大塘自場運出之鹽皆屯泊塘內塘與大江僅隔一壩抽掣過壩卽上江船甚爲便捷定於本年閏五月一律改道瓜洲以利

鹽運

第二條設立官棧總棧之設原以防場商跌價賤售於運商藉以齊行而保場價也亦猶督銷局之設所以防運商跌價賤售於水販藉以齊行而保岸價也向來棧由商管難免把持之弊此次移設瓜洲由本部堂選派廉慎之員督同值月棧商駐棧經理凡有場鹽運到將商名引數報明總棧登簿掛號挨輪售賣其整輪之法以二萬二千五百引爲一輪內泰屬派一萬五千引通屬派七千五百引由駐棧委員將到輪之鹽開明場分引數榜示棧前聽江販與場商自相交易憑色揀鹽按

場指買如無此場之鹽卽買彼場之鹽色相等者否則
守候下輪聽其自願鹽價分別上中下三等懸牌曉示
如有於牌價之外暗增暗跌者查出從嚴懲究

第三條建倉堆鹽瓜洲離場較遠內河屯船又少若行
前檔之鹽運瓜售竣再運後檔之鹽轉輸不繼必致脫
誤見議官爲籌款卽在新河壩內建造鹽倉凡有場鹽
運出卽可上倉堆儲如遇暢銷之時或場商之船甫到
運商旣已買定但經挂號抽掣卽不入倉亦無不可至
八九月間尤須多運場鹽廣爲儲備以免冬令水淺致
有脫鹽之慮如有殷實場商情願自建鹽倉者亦聽其

便

第四條揚州交銀瓜洲地處江濱又無城郭商販不便以巨萬重資攜存該處致有疏虞凡運商買定何場鹽斤卽赴揚州總局按引繳銀總局將運商所繳鹽課及內河鹽釐收清彙解其所繳鹽價傳同場商三面交付領回以免暗中增跌及拖欠剋扣等弊銀兩交清之後卽給護照令其持赴瓜洲憑照發鹽運庫向收之銀色低潮近來更甚嗣後所收課銀應仿淮北之例每百兩以關紋五十兩寶紋五十兩各半上兌名爲合封以昭

畫一

第五條免商包課從前銷數疲滯秦棧每月售鹽多寡不定而運庫月協揚營課銀二萬兩絲毫不能短少是以責令棧商包納今則揚營已撤而銷數漸旺運商場商交易之銀又不歸棧商經手自應免其包完課銀既無賠累之患亦杜把持之弊

第六條議貼運費此次改道瓜洲場商多費運瓜之水脚運商可省口岸之駁費本部堂酌中核定應由運商每包津貼場商錢百一十文作爲自泰運瓜經費此時場鹽未必卽能上倉津貼百一十文定可敷用將來如有不敷再當隨時酌增至上倉挑力應歸場商理落上

江船挑力應歸運商理落運商多此津貼成本不無稍增而江船在瓜洲受載比口岸江路稍近應將江船水腳每包減去二分以貼運商此外不准多索絲毫違者嚴究

第七條過掣查私稅鹽舊章本由運司派員在泰州之四浦分浦抽掣此次改道新河口內河屯船與外江大船相離咫尺最易漏私從前綱鹽出場先在泰壩抽掣行至儀徵再行驗掣本係抽掣兩道應將南掣同知暨南批驗大使移駐新河口於過壩時逐船抽掣如有重斤照例懲辦近來金陵掣驗卡查出江船夾私幾於無

船不有類皆受載時就地買帶瓜洲向爲私鹽出沒之區尤不可不認真搜查應責成招商局派出查槍委員親駐新河口逐船嚴搜以杜夾帶

第八條水手加價近來江船水腳較從前綱鹽時定數甚厚但水手既嚴禁帶私而工食僅每月一千文未免過少以致重載鹽艘每遇危險之地皆因水手不肯出力猝遭淹消殊非鄭重商本之道自應量予酌增嗣後重船水手應由船戶每名月給工食錢二千文空船水手月給一千五百文以示體恤如加增之後仍敢偷竈及有挾制苛索情弊由船戶指名稟究從重懲辦

以上各條經本部堂參酌核定刊頒遵守其有未盡事宜仍由運司督同駐棧委員議詳隨時核辦

同治四年六月瓜棧委員候補知府程國熙稟竊查河道將次工竣定於六月十九日改道奉飭卽督商赴瓜設棧並將棧規一切章程籌議等因遵卽督同各商悉心核議查從前棧由商管重在包課派買全以貿易蹊徑統挈眾權故用人較多需費較巨今旣官爲督辦所有課釐鹽價三項棧中旣均不問而一買一賣亦皆由商販三面自行交易官但督率稽查其重祇在保價挨輪與商管時情形迥異所有移棧事宜綱領悉載刊章應

實力奉行以免底面不符之弊此外條目僅就見時應辦者擬議十條開摺呈祈示遵一新河口爲淮鹽運道所有一切民貨船隻概不准行走亦不准停泊於濟運橋一帶免致空重鹽船進出擁擠一鹽船運到瓜洲之新河口應將隨船駁票並商名場分鹽色引數報明總棧登簿掛號由司鹽簿司事每日開單呈送一通泰兩屬以二萬二千五百引爲一輪內泰屬派一萬五千引通屬派七千五百引挽進新河口後卽開明場分鹽色引數榜示棧前隨到隨賣聽江販與場商憑色自相交易如兩屬到鹽逾於輪數留爲下輪設兩屬有到不足

者亦在下輪補足一通泰兩屬遵奉核定鹽價懸牌曉示如有於牌價之外暗增暗跌者察出稟請嚴究一江販與場商鹽色交易後卽取交單赴揚州總局按引繳價總局將所繳鹽價內扣除課釐局棧各用外傳同場商三面交付領回卽給護照持赴瓜洲總棧請籌發鹽一交斤過稱遵照八十六斤總以撒手定鉈稱桿正平爲主場商不得短少江販不得爭多須接請籌先後過鹽毋許爭先壓後一從前營勇零販赴棧買鹽大半由土著熟人領入棧中交易並代雇船隻謂之領販棧中每包給錢五文貼其茶飯等用見在楚西各岸江販雲

集均可自行赴棧買鹽毋庸領販所有例給每包五文
應卽裁撤以免中飽一從前秦州商棧而外有等無業
游民開設私棧代客買鹽流弊甚多疊經憲臺示禁並
委查拏在案此次改道瓜洲棧由官設江販場商均須
由官棧買賣不准復有私棧名目違者從嚴拏究一新
壩損夫腳力除公同議明另稟定價出示曉諭外聽江
販自行雇用不得有填頭腳頭等名目上倉挑力歸場
商自給上船挑力歸運商自給一棧用一項從前十二
包成引每引收錢一百六十文嗣於同治三年正月改
爲八包成引接六六折每引收錢一百零七文今仍循

其舊自移棧日起由值月棧商輪流經管除每月辛俸
火食雜支核有定款外其餘活款隨時由值月商請示
核奪每月月終清釐一次不得擅專支用違者著賠此
後不得於額定之外再有加派以免商累經署鹽政李
鴻章批據稟開棧事宜所辦極是惟領販飯食係列牌
價之內每包五文合每引四十文以每年約銷三十六
萬引計之可節省錢一萬四千餘串此項應由總局改
解本署部堂行轅充餉棧用每引收錢一百零七文此
次仍准照收應由該守經管做督銷招商局之例將額
支活支逐款稟定按季造冊報銷如有盈餘解轅充餉

不得仍歸值月棧商經手以息浮議

同治四年七月瓜棧委員程國熙南掣同知陳照稟前遵擬開棧章程第九條聲明新壩損夫腳力公同議明另稟定價茲傳集場運各商公同核議見在改章之始鹽倉尙未建造鹽船到壩掣驗後應卽徑上江船以兩包爲一損用夫二名議定每損給腳力錢七文由運商自行雇用自行發錢不准有損頭腳頭等名目以杜把持剋扣之弊將來鹽包上倉應給損力幾文由倉上船應給損力幾文屆時另行稟定經署鹽政李鴻章批准

同治四年十二月運司丁日昌詳據瓜棧委員程國熙詳

稱竊照楚西皖各岸暢銷瓜壩過鹽正值喫緊每日過鹽已逾二千引惟時值隆冬新開河道日漸水淺前奉憲臺面諭大船重載須在口外起駁以利進行卑府業已督飭棧商派撥人役前往下河一帶雇覓駁船多隻來瓜應用不日即可雇到應卽明定章程使商販一覽周知以期趨運迅速所有五十引以上大船在於四里鋪停泊起駁必須按照先後挨次駁運不得爭競且卸空後有無夾帶私鹽必須逐艙查驗應請遴派勤幹委員一人帶勇四名專駐四里鋪彈壓稽查按旬將駁鹽數目開摺申報庶有稽核而免流弊等情經本司批准

飭遵在案又據陳守詳稱十月二十六七等日潮汎愈小兼值東風甚作每日跌水三四寸至五六寸不等卑府籌酌再三必須趕緊築壩堵蓄曾將辦理大概情形隨時稟陳見據該棧商等各處雇覓駁船陸續到瓜雖值天寒日短過壩盤駁種種棘手之時每日尙能過鹽二千餘引辦理已有頭緒理合稟報查考

同治四年十二月運司丁日昌詳奉札開據皖鹽招商局魏道稟運漕分銷催鹽接濟到本署部堂據此除批需鹽濟銷見在不獨皖岸一處鄂湘江西無不待鹽孔急乃各運販徒知紛紛爭引得引之後並不趕緊籌運其

中難保無一副成本而浮請數票必待前鹽售出再運後鹽當此額少商多豈容若輩虛占壟斷有誤課餉昨據西局程道稟覆西商春綱所認之引竟有四千餘引迄今未運一岸如此他岸可知仰候札飭丁運司查明楚皖兩岸未運各商有無前項情弊分別酌定期限嚴催趕運如再逾限不運卽將認引註銷並將已完釐金局用一并充公以昭炯戒等因奉此遵經分別移行覆查並議如何立限催運章程旋准楚鹽招商局移開查本年上半綱鄂湘鹽引於閏五月間始行開辦時因移棧瓜洲泰壩停掣十餘日迨至夏秋之際江水甚漲濱

江場垣沮溼產鹽不旺運河水勢浩漫屯船往來每爲
急溜所阻場商運棧之鹽甚屬寥寥而新河口過掣又
復煩難輾轉守候以致圓載開江者少不能依限趕運
尙屬情有可原查同治三年二月初前敝局會同西局稟
請定限兩箇月如延不領照開江將票號註銷並將已
完局費罰令充公奉鹽憲批准在案爲限已嚴此次情
形不同不得不量予寬假况鄂湘兩岸較西岸道路均
遠必俟前票運銷收回鹽本再行接辦後票亦非數月
內所能周轉惟是商情愿狡不一難保中無壟斷虛占
之弊除一面出示嚴催各販趕緊運載開江濟售毋再

延緩致干註銷罰扣外合就咨覆查照等因又據瓜棧
委員程守會同淮南總局委員許金二運判詳稱遵查
楚西引鹽開江限期前經招商局議定以領號兩箇月
爲限延不領票開江將號註銷定期本屬至嚴而皖岸
道路較近爲期尤應更速惟各岸需鹽孔亟自當飭
令認運商販趕緊運載以資岸食脫誤第河水之
長落靡常天氣之陰晴無定均屬挽運及新河口過掣
等事偶爾愆期亦屬難以豫料須將原定限期稍從寬
假俾運販無從藉口卑府悉心籌議擬請鄂湘西皖各
岸統自本年秋綱爲始凡有挂號領運者均以給發買

單之日起立限三箇月開江如有逾限不運應照原定之例卽將認引註銷並將已完釐金充公以杜流弊而示懲儆惟買鹽照單向由運販徑赴各局請領卑府等無案可稽無憑查核應請憲臺移咨楚西皖岸招商局嗣後將給發買單開具花名引數按旬咨送憲臺衙門查考以憑稽核限期並請轉飭棧局一體遵照等情由司轉詳經鹽政李鴻章批允

同治五年六月署運司程桓生詳據瓜棧委員程守詳稱竊照瓜洲總棧值月商人前經卑府詳派泰屬場商三人通屬場商三人輪值辦事奉前憲批准在案茲查泰

屬場商何源盛的名何銑因案斥革通屬場商慶有餘
的名張薰垣產退清並無片引業經稟退均應揀選殷
實穩妥商人接補辦公又總棧買賣引鹽挨輪過掣係
場運商人交涉之事遇有交議公件亦須場運二商齊
集會議方昭平允今總棧辦事僅有場商而無運商不
特會議事件每多推諉且江船雲集水手眾多每逢過
鹽眾口喧嘩亦非場商所能理勸卑府體察情形應於
場商六人之外加派運商三人會同輪值以期呼應靈
通今查有泰屬安豐場繆立盛附商的名夏文溶通屬
掘港場易肇成租商的名李佶身家殷實辦事公平堪

以頂補何源盛慶有餘遺缺又查有楚岸運商王中和的名王子鑑湘岸運商湘公記的名蔣世芳西岸運商日升恆的名周載之引數較多人俱穩當堪以派充棧商以上新籤棧商五人連棧中平日值月辦事之宋隆吉的名宋錫莊吉同興的名嚴思誠慶恆昌的名丁光熊汪合盛的名汪鎮共計九人以三箇月爲一輪每月派運商一人泰屬場商一人通屬場商一人赴棧辦事擬自本年七月起第一箇月派楚岸運商王中和泰屬場商繆立盛通屬場商汪合盛輪值第二月派湘岸運商湘公記泰屬場商吉同興通屬場商易肇成輪值第

三月派西岸運商日升恆泰屬場商宋隆吉通屬場商慶恆昌輪值周而復始以專責成而免推諉等情署司復核所議尙屬妥協理合詳請示遵經署鹽政李鴻章批准

同治五年十一月瓜棧程國熙稟查准鹽改道瓜洲挑潞河道急就成章未能深寬上年冬令水涸重船不能出入曾經築壩蓄水並用車戽注凡內河鹽船悉停壩外壩內雇備駁船百餘隻駁運瓜棧過掣不但殺費人力而場商多一盤壩損力多一駁船運腳所費亦頗不貲上年岸銷缺鹽場商之待掣者又復湧積其時瓜棧章

程甫就繩墨設一更變立虞渙散不得不因地因時設法辦理本年新河之水又將乾涸深者三四尺不等淺者尺許各重船之未入新河者趁冬月初三日以前潮汛尙可駛入然三四十引以上船身稍大者亦須起駁過此以往更慮淺滯如再築壩盤駁使場商多費不足以示體恤自應趁此河乾天霽將新河一律挑濬深通爲一勞永逸之計統計挑河時日總須三兩箇月方能告竣此三兩月中斷不能停掣以待再三籌畫惟有遵照上年函諭暫由瓜口出江之一法查瓜口出江其患有二一患江船駁船混雜不清易啟夾私之弊一患河

面窄狹空船重船易有擁擠之虞必須籌畫周備以防
流弊尤須推行盡利以便商情茲令代行程令與南掣
陳丞逐細籌商酌擬章程八條稟請示遵一過掣宜擇
寬地也一出江仍宜過掣也一江船宜移泊受載也一
濟運橋宜安設木檔也一駁船出江宜嚴行查駁也一
瓜口空船宜全行押逐也一北鹽宜起岸改捆也一濟
運橋宜派駁船巡緝也經署鹽政李鴻章批據稟新河
水淺趁此冬令水涸挑濬深通所有鹽船過掣改由瓜
口出江所擬章程尙屬妥密仰卽責成程令會同各委
員認真妥辦

同治六年十月瓜棧程國熙詳據場商林和進等稟稱竊商等於本年四五等月陸續運到各場垣鹽赴棧敘售因時值南陽風色江水湍溜堆存在倉歷時三四月之久又經炎夏溽暑洶湧如流而爛包斷索捆換十居八九拋耗尤難勝計懇乞邀免釐課俾得稍甦困苦等情卑府查該場商所稟尙無捏飾亦無別項情弊溯查場鹽到棧在船缺斤前經棧局議明令船戶按照牌價並場商已納課釐全數賠繳卽已買已繳釐課之鹽運商急等完封買補他鹽足數仍照章訂立交單照繳釐課不買補者亦不准其補運其內河淹消章程責令屯船

賠償鹽本仍照外江章程准免原運釐金一半免課補運此向來按照情形分別辦理之定章也此項存倉缺斤係場商資本運出之鹽行滷過重卽與在船缺斤不同與內河淹消情形又復有別若令照補釐課未免虧折益甚擬請將所缺之鹽准予照數補運酌免原運釐金其應完課項仍令照數全完嗣後出入官倉爲時不久稍有缺耗者不得援以爲例是否可行仰乞示遵經鹽政曾國藩批場鹽存倉與存船無異內河船有短斤應歸船戶全數賠償卽外江船隻如有虧短亦必責成船戶全賠所以杜盜賣之弊也瓜洲各倉濱臨大江透

私本易卽因時值溽暑行滷稍重所缺各數別無他弊亦應仿照存船缺斤之例責令商販自認方爲正辦若因缺斤而免釐補運不獨西楚兩岸鹽倉甚多勢將紛紛援照卽將來存船過夏之鹽亦必有所藉口流弊伊於胡底此端斷不可開

同治七年四月鹽政曾國藩札瓜洲總棧照得瓜棧輪章前據該道稟定按日挨輪以尖鹽爲一輪中鹽爲一輪礮片爲一輪聽商買運立法本善惟近日訪察商情謂輪章太呆諸多不便者不一而足良由各場鹽色不等人情好尚不同卽如同尖鹽有情願買眞梁上色者

而今日輪內偏無此鹽同一中鹽有不願買掘港滷鹽者而今日輪內此鹽獨多因之相率觀望亦係實情查立棧本意固以整輪爲要亦以便商爲宜本部堂原刊棧章整輪之法以二萬二千五百引爲一輪內秦屬派一萬五千引通屬派七千五百引聽江販場商自相交易憑色揀鹽按場指買如無此場之鹽卽買彼場之鹽色相等者本於整輪之中寓便商之意祇因各該商預賣預買迄未遵辦今則棧內存鹽充足應卽改復刊章計引挨輪以順眾情合行札飭札到該棧卽便遵照凡開一輪仍按通秦場鹽到棧先後以二萬二千五百引

爲度須俟上輪售竣再開下輪如有越輪搶跌情弊察
出從嚴究懲除札運司外該棧卽便遵照毋違

同治七年九月淮南通泰場商汪德泰等稟竊思場商貨
本本極微末自清水潭大工以後元氣大傷連年復又
產旺消滯百計挪貸以期無誤收鹽統計通泰二十場
在垣之本實已不下二百數十萬千無如收多銷少遂
致有借無還日積月累所出之利不可勝計追呼之苦
勢已難支猶冀湘鄂西皖開綱之日鹽得銷售獲有餘
利藉償前欠乃自本年四月以來各垣無不爭先運棧
卽無不爭先求售遂無不爭先跌價各商非不知跌價

有關成本奈久久不售住日有費滷耗有費換包有費而挪借之利亦與日俱增且運瓜之鹽尙無過問之人而催課之函已如星火之急兩相比較與其株守定價費日增而仍無實濟何如姑爲跌價費可省而且救燃眉干冒禁令勢豈得已見在所跌之數已不可問而所銷之數仍不見多此亦非運販之有心苛勒也湘鄂西皖引數有定而在瓜之五六萬引在垣之二十餘萬引數已倍蓰莫可如何查淮北池商之力非厚於通秦場商也自軍興以來減行二十餘萬引亦非不產多銷少也而池商至今可以從容坐理堆有存鹽者實以按成

籤派所銷之數大商小商一律公平而藉票販先付之
鹽價相輔以有成也今誠能先將二十場所產尖鹽和
鹽之數分核統算再將湘鄂西皖食各岸所定之引分
別尖和各與配搭如產數較之引數實多若干卽照數
折定仍將配定之數仿淮北之法每年准於二月八月
分爲春秋兩綱籤掣垣名卽令運販先繳鹽價每引四
千文由局發給場商收鹽俟收有成數場中旬報到局
由局示知運販給照下場付與重費每引二千文立限
發重赴瓜交鹽之後找清尾課在運販祇須於應付鹽
價之中先繳四成而場商可免借貸之利與住日耗斤

之費所省業已不貲而籤掣之後不能去而之他則定價亦自然可保場商每年所收雖難免有餘鹽而大小各商一律公平既無跌價之虞自無虧本之慮而竈鹽亦不致透私從此老堆漸多可備旱澇歉收之用設遇銷暢產歉之年亦各有定額或有溢銷或有缺銷應按其上年所銷之數一律配掣亦分二八月先繳鹽價應時請運內除江甘五岸及秦興靖江係另納錢糧應照牌價除清找給外其餘各岸向運棧鹽卽應照楚西皖運販辦理以歸畫一經鹽政會國藩批准南與淮北情形迥不相同淮北祇有三場鹽額祇二十九萬餘小引

鹽價每引祇定八錢預付三成祇二錢四分輕而易舉
鹽色亦不甚懸殊故能高下勻配籤垣承運淮南通泰
二十場場垣不下數百戶各場鹽色參差不一各岸開
網遲早難定若照條呈所稱每年分二八月掣定垣名
限定運販每引先繳鹽價四千文卽以半綱二十萬引
計之共須繳錢八十萬串便於場商卽不便於運商其
勢斷做不到但從前運商買鹽無不先付鹽價數成今
必欲鹽運到瓜始能得價一經滯銷又有住日加耗之
累以致相率爭售暗中搶跌場商亦有不得已之苦衷
上年運商集成公等先有預繳鹽價三成之稟嗣經程

前司暨瓜棧議詳憑棧訂交先付鹽價五成當經批准而迄未遵辦是否所議仍欠允當之故目前棧中情形又稍不同應如何飭令運商先行酌付鹽價以拯場困而杜搶跌之處候札運司暨瓜棧程道悉心籌議切實稟辦嗣運司瓜棧會詳據棧商丁光熊等稟稱查酌付鹽價一案上年蒙詳請先付五成立限憑棧交鹽奉旨閣督鹽憲批開鹽價本運販應付之項目前垣商大半資本不充多付一成之價多收一成之鹽等因實至公不刊之論如果各運商遵案辦理應請立限呈繳以免仍託空言至跌價搶售一節尤爲鹽務之害前奉旨閣

督鹽憲批牘有病惡深恨重罰嚴懲字句有識者應亦
稍知儆懼乃運商則樂在從容不跌不買場商則甘於
虧苦愈跌愈甚其實每年湘鄂西岸及食鹽各岸尙可
運三十四五萬引通泰二十場產數不過四十三四萬
引產數之多於銷數者計祇八九萬引合八折上下如
各場各垣皆有八折可銷則所占摺者僅止二成豈場
商絕無貲本不應稍有餘鹽存堆耶而何以岌岌若是
是蓋可以搶售者甲年而售及乙年之鹽以致苦難得
售者乙年猶未售甲年之鹽不公不平莫此爲甚欲矯
其弊必清其源計非查計額產派給重照不可上年奉

爵閣督鹽憲批牘內開垣商運鹽須赴總局請照其權
本操之於官總局發照遲速合宜自無脫誤擁擠之患
實爲名言永宜遵守可否卽請囑令總局暫行緩給重
照一面確查各場各垣每年實產若干分作十二箇月
每月某垣應售若干先行榜示按月卽照應售鹽數給
予重照遇暢銷則提給一月遇滯銷則緩給一月此外
不得絲毫通融如此則搶跌者無巧可取當爲顧本之
思苦守者循序而行可無虧本之患矣並據通泰兩屬
各場商公稟預付鹽價等情前來本司等查場商疲乏
情形較之上年程前署司與職道議詳預付鹽價之時

尤爲迫切自應仍遵前議令運商先付五成鹽價本運商應付之款發場商應得之價毫無出入所爭在遲速之間而場商得以轉輸濟收後鹽既可杜跌價之弊亦可免誤收之慮保全大局實非淺鮮惟本年入夏以來場鹽日跌一日運商幾以意外之贏爲固有之利一旦令歸繩墨遵章繳價必不遂其私願惟有嚴定扣繳之法使運商無事遲疑亦卽嚴定給領之法使場商無可脫空庶幾兩無藉口本司等謹會議章程四條第一條運商繳價查鹽價本運商應付之款既已在岸領咨接運後鹽自應赴棧按照牌價買鹽趕運乃有領咨來揚

久不投局或投局而久不買鹽者不知凡幾其爲希圖
殺價可想而知應請卽由總局確查花名引數勒限半
月內遵案赴總局呈繳五成鹽價每引酌擬繳銀三兩
其領咨在路尙未抵揚者湘岸以領咨日限兩月鄂岸
以領咨日限五十日西岸限四十日皖岸限一箇月逾
限不繳卽將票根扣除另行招商以昭炯戒並請憲臺
札飭各岸督銷局將各商在岸領咨日期按旬備文移
咨運司瓜棧查考嗣後各運商每引應繳價銀三兩卽
由督銷局於給發循環咨文扣存豫釐時按數核扣月
終彙解總局先由督銷局給予收照俟來揚買定場鹽

訂立交單時呈繳瓜棧按旬分別咨繳各督銷局核銷
第二條場商領價查從前運商場商私相交易預付鹽
價五六七成不等而場商逾期不繳每有脫空倒騙等
弊此次由官預付必須一領一扣確有把持查見在存
瓜之鹽計及七萬引所有各商預繳銀兩俟總局收有
成數解赴瓜棧先儘存瓜之鹽按照到鹽先後每引發
銀三兩由場商出具領結存棧備查統照上年借發庫
款之例於重鹽局照內加蓋戳記俟運商買定訂立交
單時按照當時市價以銀合錢仍遵例定各場牌價錢
數結算以昭公允而免糾葛第三條挨次過掣查刊章

二萬二千五百引爲一輪內派通屬七千五百引秦屬一萬五千引而通屬尖鹽與秦屬相埒秦屬和鹽則數倍於通屬牽扯酌派難於均勻上年程前司會同瓜棧詳定章程八條案內奉批過掣次第總以鹽到先後爲斷以昭畫一茲復據各該場商稟求規復輪章擬請仍照上年定章以尖鹽爲一輪和鹽爲一輪碱鹽爲一輪統以鹽到先後爲斷挨次定交過掣不准絲毫紊亂以杜跌價搶售而便扣除領款第四條按引給重查瓜鹽之堆積場商之搶售皆由於各商任意請重莫可禁遏前督鹽憲批示本有垣商運鹽須赴總局請照其權本

操之於官總局給照遲速合宜自無脫誤擁擠之患等
因此次到瓜之鹽既議每引發銀三兩亟應定立發照
章程以免搶運棧商丁光熊等所議按額派引未始無
見然產數有豐歉之不同煎丁有勤惰之不一似亦未
能核實自宜憑堆派引而憑堆之法立又慮場官之虛
報垣商之搶收虛報則空堆可虞搶收則桶價日增本
司等擬請以應售之數爲給重之數核之額產仍憑之
存堆如開湘鄂綱則查核尖鹽開西皖綱則查核和鹽
除存瓜未售外仍須若干引核定各場各垣額產如某
垣派產若干引適有存垣若干引卽照額產之數給予

重照如額產若干引而存堆引數不足祇能照存堆引數給予重照扣發之數再按各場各垣額外多存之引均勻派給總以派足應重若干引總數爲斷由總局委員核定後分別某場某垣應給引數榜示局門令各場商照數請照仍立予限期運瓜發販以免脫誤再查存瓜之鹽見及七萬引加以在途者又不下數萬引已虞擁擠俟奉憲示應卽遵章發重所有各場商從前已請未重之照查有十二三萬引應請飭令總局行知各場飭商繳銷以清界限而免積壓經鹽政馬新貽批第一條運商在岸請領後運咨文久不投局掛號難辭延誤

之咎其久不買鹽係因循環章程載明售出丙春之鹽應給丁春之引照章本應守待開綱並非專爲希圖殺價場商固急宜體恤運商亦必代爲籌計來詳擬以後鹽價卽由督銷局按數核扣殊多窒礙此議曾據伍祐場商具稟經會爵閣部堂批明運商請領循環咨文須遵章先繳預釐其領文後守候開綱成本已不免占擱若再令先繳鹽價運販必不遵依等語緣近來運販資本亦並未充足全賴轉輸營運卽以每引預繳鹽價三兩計之如西岸售鹽五百引須扣預釐二兩鹽價三兩共須扣二千五百兩之多所得餘利大半先繳於官便

難周轉本部堂悉心斟酌運商繳價應分別綱分辦理如咨內所開綱分業已開辦是該商等即可運鹽應如所詳區別到場在途分限飭繳如所開綱分尙未開辦是該商等運鹽無期未便概視不論鄂湘西皖應自領咨之月起以半年爲限由總局確查花名引數及領咨月分凡已逾半年限期之商卽令照章預繳鹽價三兩未到半年限期之商諭令到限卽繳違者將引扣除如此量予區別似乎場運兩便第二條總局鹽價收有成數擬先儘存瓜之七萬引按到棧先後給發自無脫空之慮其早經到棧之鹽停滯不銷受累更重得價較先

亦屬平允應准照辦第三條整輪爲瓜棧第一要義近日場商搶售暗跌自壞藩籬深堪痛恨但鹽價未經預付以前場商猶可以無力收鹽藉口今定預付三兩專爲保固場垣起見如詳仍照上年舊章分爲尖和碱三輪以鹽到先後挨次訂交過掣儻再有搶跌情弊卽由該司道指名從嚴詳辦以昭炯戒第四條給發重照以憑堆派引最爲核實但場官虛報垣商搶收兩弊不可不防其漸據擬給重之數核之額產仍憑之存堆所議妥協此事全在總局委員稽鹽得實派引秉公各商自無異詞程道另單所請暫撥海分司庫銀五萬兩按引

借給洵能濟淮南目前之急仰候札飭海分司如數批解以拯場困

同治七年十二月鹽政馬新貽批運司瓜棧詳前定預付鹽價每引三兩據議改收錢五千文係爲便商起見此後無論錢價貴賤凡在揚州總局預繳鹽價均應一律繳錢以昭畫一又批運司稟查運商預付五成鹽價本由總局經收據稟解棧轉發多一周折嗣後擬由總局徑發係爲便商起見應准照辦至發價之次第前次詳定章程按照場鹽到棧先後給發最爲公允蓋場鹽到棧棧中須開明場分引數挨次榜示眾目昭然可免流

弊也

同治九年五月署運司龐際雲瓜棧薛書常詳竊照淮南通泰引鹽於同治四年改道瓜洲之新河口出江內河屯船可以直達與外江大船僅隔一壩鹽包抽掣過壩卽上江船行之數年商販稱便乃上年江潮過大瓜棧東西南三面江船林立岸可藉資穩固惟瓜棧之西北岸被水沖陷數十丈岸被水刷日甚一日雖幸保無虞而江勢日漸北移新河一線單隄儻夏秋水勢再大實爲可危查南鹽向由儀徵之天池掣驗開江自咸豐三年以後始改口岸繼改瓜洲以致儀徵通江之口日漸

淤塞舟楫不通前次儀徵紳董及該縣倪令屢次稟請挑濬因無款中止此時未雨綢繆似宜先將儀河挑濬以爲後圖擬請自本年五月起按金山捐章程每引場商捐銀二分運商捐銀三分按月提儲運庫以便隨時撥用工竣後查核實用若干將捐停止如潮汎平穩之年瓜棧相安自可無事遷移設遇江潮過大情形危險有此退步不至臨時張皇於鹽務大局裨益良多經鹽政馬新貽批儀邑通江河道年久淤塞該司道等擬籌款興挑以備瓜棧退步未始非未雨綢繆之計惟工段綿長挑濬非易究須經費若干仰先揀派妥員前往履

勘確切估計稟候察辦至瓜棧西北岸被水沖刷之處
應如何設法保固並卽熟商妥辦勿任再行傾圮是爲
至要

同治九年六月署運司龐際雲瓜棧薛書常稟竊查瓜棧
存鹽將近七萬引崇墉櫛比爲向來所未有五月上旬
七日之內兩次失火皆在鹽堆左右情形已屬可慮又
值江湖泛漲日甚一日浸淫尤爲可憂而西岸開網以
後交價者雖有四五十票訂交過掣者尙不及半前由
職道曉諭各場商將未售之鹽移上內屯並曉諭已經
交價各運商趕速購運復經署司飭淮南總局按名傳

催各在案乃場商因屯船缺少移屯者不及十之二二
運商因時當耗市憚於津貼滷耗仍然觀望不前適據
棧商公稟各場商念值耗市情願每引再加滷耗一斤
津貼運商俾迅速購運司道再四籌商加耗雖非舊例
但場商堆鹽過夏每引實耗尙恐不止一斤名雖加於
格外實則虧自分中而運商多得一斤藉補耗市之缺
轉運自當踴躍卽經准其所稟限以六月三十日爲止
此後不得爲例惟存鹽將及七萬引可以按名催運者
尙不及二萬引縱將內河屯船集齊不過屯三萬引之
數况在場在途及攬運米石者勢不能盡驅之來瓜日

下江湖盛漲不及去秋者不過三尺餘鹽堆之低下者
去水不過二尺餘其勢已甚岌岌該場商窘迫無計遂
有移屯江船之請司道屢次面商與其屯堆而束手待
斃不若移之江船而可保大局縱令缺斤在所不免而
稅課捐款該商等不能不如數交納當此堆鹽甚鉅銷
路正滯之時萬不敢拘泥常格致令變出意外爲此據
實陳乞示遵經鹽政馬新貽批姑如所請辦理應限六
月三十日截止此後不得援以爲例日來天氣晴霽水
勢不致盛漲堆鹽移屯江船殊多流弊非萬不得已不
可任聽各商孟浪從事仰仍由該司道等就近體察情

形隨時稟辦

同治九年八月署運司龐際雲瓜棧薛書常會詳竊查由
場運瓜之鹽或因出場時河水淺涸沿途起駁或因到
棧後江湖盛旺由船上堆復由堆上船往返搬擡拋撒
最重且存堆日久連遭風雨包索霉爛過掣時十換六
七兼以今歲六月內過掣之鹽每包加耗一斤似此種
種虧折缺斤勢所難免見據各場商稟請將缺數開除
其欠客者情願退還原價聽運商另買當輪之鹽補足
完封其不欠客者請於後到鹽內扣除缺數出售署司
職道查缺斤之案前於同治六年十月間據場商林和

進等稟報存倉缺耗一百四十二引四包經前任程道
議請免釐補運詳奉前爵閣督鹽憲會批飭應照存船
缺斤之例責令場商自行認賠不准免釐補運等因嗣
於是年十一月間又據場商洪恆大等稟報缺斤鹽四
百七十五引三包十七斤又於同治八年正月間據場
商源昌興等稟報缺斤鹽四十九引七包又經程道先
後援案飭商賠繳錢糧關稅後詳奉前憲會暨前憲馬
准將缺數開除職道接辦後於去年十月會方前司詳
各商缺斤原運釐捐請減半寬限完繳一案奉批同治
八年正月以前准其照行以示體恤其八年正月以後

內河釐捐業經核減所有存倉缺斤應遵會爵閣部堂
原批一概令商賠補不准再免半釐永杜弊竇各在案
去夏職道接辦棧務之始適值得暑溽耗最重之時節
據各場商稟報存倉存堆溽耗以及逐票掣缺之鹽共
計一千三百餘引職道諭飭棧商確切查明後彙案稟
辦嗣於本年正月間稟報同治八年分瓜壩過鹽總數
案內聲明前項缺斤一俟棧商覆到再行專案請示旋
奉前憲馬批開存倉存堆缺耗鹽斤疊經批飭歸商賠
補在案仰卽確查缺數照案飭商各自賠補開除不准
率請報銷致啟盜賣之弊等因奉此是以同治八年分

缺斤之鹽至今未敢遽行開報唯思到棧場鹽滷耗拋
撒虧缺係屬實情若概行不准報銷恐愈缺愈多流弊
不可勝計署司職道細繹憲批重在飭商補繳錢糧關
捐擬請將已訂交單售與運商之鹽如過掣時掣有缺
斤者錢糧關捐早已完納清楚卽飭令先儘存棧功鹽
買補如功鹽售竣卽准退還原價聽該運商另買當輪
之鹽補足完封一面將缺數於旬報摺內開除其未訂
交單之鹽錢糧關捐尙未完納如有滾缺之引自當扣
除缺數出售擬請飭令該場商仍照原重引數赴局補
繳錢糧關捐後再將缺數開除並以總局收到稅捐公

文爲憑如總局公文未到仍不准開除乞示飭遵經署
鹽政魁玉批此案卷查各前任批示首重飭商賠補一
層專爲杜絕捏報盜賣之弊茲據會詳前項缺斤分別
已未訂交統令繳過錢糧關捐後再將缺數開除與各
前批意旨相符仰卽如詳飭遵

兩淮鹽法志卷四十六